

板貞治

禪林類聚

四

枝請師直指云春風一陣來滿地紅英落大衆作麼生  
會且各自歸堂去

仰山湧禪師僧問曹溪意旨如何師云一鑊入寒空

投子青頌云重峰層仞插寒空塔鑊深雲勢莫窮千古  
松聲來有韻萬年溪水去無蹤

石霜諸禪師僧問如何是祖師西來意師乃扣齒示之僧  
不會師遷化後其僧問九峰云先師扣齒意旨如何峰云  
我寧可截舌不犯國諱僧又問雲蓋蓋云我與先師有甚  
冤讎

石霜云一代時教是整頓你時人手脚凡有其由皆落今  
時直至法身非身猶是教家極則我輩沙門全無肯路若  
分即差不分即坐著泥水



石霜僧問教中還有祖師意麼師云有二云如何是教中祖師意師云莫向卷中求

雲門代云不得辜負老僧却向屎坑裏坐地作甚麼

石霜僧問如何是祖師西來意師云空中一片石僧禮拜

師云會麼云不會師云賴汝不會若會即打破你頭

三平忠禪師因講僧問三乘十二分教某甲不疑如何是

祖師西來意師云龜毛拂子兔角拄杖大德藏向甚麼處

云龜毛兔角豈是有耶師云由重千斤智無銖兩

荷玉慧禪師僧問如何是西來的的意師云不禮拜更持

何時

丹霞淳頌云虛堂寂寂夜深寒攬得瑤琴月下彈不是

知音徒側耳悲風流水豈相干

夾山會禪師因西川座主遊方至白馬舉華嚴經問一塵

含法界無邊時如何白馬云如車二輪如鳥兩翼云將

謂禪門別有奇特元來不出教乘乃回本地後聞師盛化

遣小師持前語問師師云雕沙無鏤玉之談結草幸道人

之思小師回舉似座主主乃讚歎云將謂禪門與教意不

殊元來有奇特事

谷山緣禪師僧問如何是祖師西來意師云半夜烏兒頭

戴雪天明啞子抱頭歸

丹霞淳頌云瑞霧祥煙鏤玉樓妙年王子恣優遊琉璃

殿上騎金馬明月堂前鞞繡毬

甘贄行者問僧甚麼處來云為山來者云曾有僧問為山

如何是西來意為山舉起拂子上座作麼生會為山意云

即色明心附物顯理者云且歸為山去好

保福展聞之乃仰手覆手

香巖閑禪師因為山僧來師問曾有僧問為山如何是西來意為山舉起拂子上座作麼生會為山意云即色明心附物顯理師云會即便會著甚死急僧却問師意如何師還舉起拂子

玄沙云只如香巖脚跟猶未點地 雲居錫云甚麼處是香巖脚跟未點地處 性空云我當時若見香巖堅起拂子亦向伊道著甚死急

香巖僧問如何是西來意師以手入懷出拳展開與之僧乃跪膝以兩手作受勢師云是甚麼僧無對

雲門偃禪師僧問如何是祖師西來意師云日裏看山

智門祚頌云日裏看山也是常西來祖意謾商量金色獅子希逢有多是狐狸喚作狼 無為子云日裏看山滿眼青千巖萬壑闔縱橫洞門疑是雲遮斷到者須知路坦平 三祖宗云匡真不惜兩莖眉日裏看山對祖機騰月火燒春又綠只宜飛走會相依 佛鑑勲云雨餘江上兩三峰堆疊煙嵐不記重眼裏看來端的瞎耳根聞處出天聰 投子青云坦然曾問老師安爭似韶陽一句傳日裏華山偃掌露夜深猿叫月當軒

雲門僧問如何是一代時教師云對一說

雪竇顯頌云對一說太孤絕無孔鐵鎚重下楔闌浮樹下笑呵呵昨夜驪龍拗角折別別韶陽老人得一橛 五祖演云對一說卷盡五千四十八風花雪月在流傳

金剛腦後添生鑑 佛性泰云對一說五教三乘盡該  
攝龍宮海藏任縱橫水底泥牛吞却月

雲門云三乘十二分教達磨面來放過即不可若不放過  
不消一喝

雪竇顯舉了隨後一喝復云大衆好喝落在甚處若要  
鼻孔遠天辨取這一喝

雲門僧問如何是教意師云你看甚麼經云般若經師云  
一切智智清淨還夢見未云一切智智清淨且置如何是  
教意師云心不負人面無慚色放你三十棒

雲門僧問如何是曹溪的的意師云老僧愛嗔愛喜云爲  
甚麼如此師云路逢劍客須呈劍不是詩人不獻詩

雲門云是你諸人繞天下行脚不知有相師意露柱却知

有祖師意你作麼生明得露柱知有祖師意自代云九九  
八十一

雲門行脚時到江西陳操尚書請喫飯陳乃問三乘教典  
即不問儒書更不在言作麼生是行脚事師云曾問幾人  
來云即今問上座師云即今且置作麼生是教意云黃卷  
赤軸師云這箇是語言文字作麼生是教意云口欲談而  
詞喪心欲緣而慮忘師云口欲談而詞喪爲對有言心欲  
緣而慮忘爲對妄想作麼生是教意陳無對師云見說尚  
書看法華經是一云是師云經中道治世語言資生產業  
皆與實相不相違背且道非非想天有幾人退位陳又無  
對師云尚書且莫草草十經五論師僧拋却入叢林十年  
二十年尚不柰何尚書又爭會得陳作禮云某甲罪過

雲居膺禪師問洞山如何是祖師西來意山云闍黎他後有把茅蓋頭有人問你作麼生云道膺罪過

清平遵禪師問翠微如何是祖師西來意微云待無人處為汝說師良久云無人也請和尚說微引師入竹園師又云無人也請和尚說微指竹云這一竿得與麼長那一竿得與麼短師遂領旨後住清平謂眾云先師入泥入水相為自是我不識好惡

洛浦安禪師僧問如何是祖師西來意師云青嵐覆處出岫藏峰白月輝時碧潭無影

丹霞淳頌云羣花未發梅先拆萬木凋零栢轉奇雲淡不彰飾月影煙輕那露引風枝

洛浦僧問如何是祖師西來意師以拂子擊繩床云會麼

云不會師云天上忽雷驚宇宙井底蝦蟆不舉頭

洛浦僧問祖意教意是同是別師云日月並輪輝誰言別有路云恁麼則顯晦殊途事非一揆師云但自不亡羊何須泣岐路

丹霞淳頌云月篩松影高低樹日照池心上下天赫赫炎空非卓午團團秋夜不知圓

白水仁禪師因長生皎然問如何是西來意師云還見庭前杉檜不然云恁麼即和尚今日因學人致得是非師云多口座主然去後師知是雪峰禪客乃云盜法之人終不成器

然後任長生山有僧問從上宗乘如何舉唱然云不可為闍黎一人荒却長生山也玄沙聞之云然師兄佛法

即大行受記之緣亦就矣厥後眾緣不備果如所記

梁山觀禪師僧問如何是祖師西來意師云莫亂道

投子青頌云國令嚴嚴擬者危毫釐纔動鐵輪隨心萌

口應三千里齒露言來苦怨誰

梁山僧問祖意教意是同是別師云金烏東上人皆貴王

兔西沉佛祖迷

丹霞淳頌云靈山會上言雖普少室峰前句未形瑞草

蒙茸含月秀寒松蒼鬱出雲青

梁山僧問如何是從上來傳底事師云渡水胡僧無膝袴

肯馳梵夾不持經問如何是祖師西來意師云葱嶺不傳

東土信胡人謾說太平歌

保福展禪師因長生卓庵去相訪茶次生云有僧問某甲

如何是祖師西來意某甲豎起拂子不知得不得師云我

爭敢道得不得有箇問有人讚嗔此事如虎帶角有人輕

賤此事分文不直一等是與麼事為甚讚毀不同請試揀

出看生云適來出自偶爾爭揀得出師云若恁麼此後不

得為人

傳燈作長生訪庵主

乎上座云若無智眼難辨得失 有一老宿云毀又爭

得 一老宿云惜取眉毛 雪竇顯都別云若非和尚

證明拂子一生無用 玄覺云一等是與麼事為甚處

有得有不得

巴陵鑒禪師僧問祖意教意是同是別師云鷄寒上樹鴨

寒下水

五祖演云大小巴陵只道得一半白雲即不然擲水月

在手弄花香滿衣 松源岳云白雲盡力道只道得八  
成有問靈隱只向他道人我無明一串穿

保寧勇頌云昨夜三更屈指輪世間休說兩三人數聲  
羌笛離亭晚君向瀟湘我向秦 投子青云同別祖教

問端由便將元價與他酬絲綸夜靜人垂釣曉得金烏  
帶月收 湛堂準云鷄寒上樹鴨寒下水時節不相饒

古今自然理寒松十里吼清風流水一溪聲未已

木平道禪師僧問如何是祖師西來意師云石羊頭子向  
東看

汾陽昭頌云木平高道最難過人問西來意若何石羊  
頭子向東望月明纔上徧山坡直言不用多疑慮海澄  
浪息現森羅 照覺總云木平本自無斤斧好肉那堪

著灸痕直指西來親切意石羊頭子向東看 佛印元

云老胡萬里向支那直至而今不奈何堪笑牧童誰問  
路一聲長笛過前坡

香林遠禪師僧問如何是祖師西來意師云坐久成勞

雪竇顯頌云一箇兩箇千萬箇脫却籠頭卸角馱左轉  
右轉隨後來紫湖要打劉鐵磨 野軒遵云香林無雜

木一一 是旃檀野火忽然發清風天地寬 禪意報爾曹  
坐久自成勞

黃龍機禪師嘗問巖頭如何是祖師西來意頭云汝還解

救餐麼師云解頭云且救餐去師後到玄泉又問如何是  
祖師西來意泉拈起一莖皂角云會麼師云不會泉放下

作洗衣勢師便禮拜云將知佛法無別泉云汝見甚麼道



理師云其甲曾問巖頭師翁頭云汝還解救麼救養也  
只是解黏和尚提起皂角亦是解黏所以道無別象可呵  
大笑師因此忽然信入

九峰滿禪師僧問如何是祖師西來意師云更問阿誰云  
恁麼則學人全體是也師云須彌頂上戴須彌

圓悟勤云盡也盡不成捏也捏不就且道是箇甚麼須  
彌頂上戴須彌

光孝鐵嘴覺禪師至法眼處眼問近離甚處師云趙州眼  
云承聞趙州有栢樹子話是不師云無眼云徃徃皆謂僧  
問如何是祖師西來意趙州云庭前栢樹子上座何得道  
無師云先師實無此語和尚莫謗先師好眼云真獅子兒  
白雲端頌云新羅鷄子刺天飛鈍鳥籠邊慢不去趙州

庭栢一何高誰道先師無此語 瀉山秀云信問西來

栢樹酬何必斯言謗趙州令人長憶清涼老一句當年

喚轉頭 正覺逸云日炙風吹瘦影孤趙州嘗指庭前

栢昇元大小清涼老未會先師此語無 大洪遂云趙

州無語幾人知江北江南見者稀山寺桃花復何在相

逢空愛白公詩 佛印元云庭前栢樹子趙州無此語

承言須會宗勿自立規矩 真淨文云庭前栢樹子趙

州無此語若是本色人直下未相許

石門徹禪師僧問如何是三乘教外別傳一句師云東村

王老夜燒錢

洞山聰頌云東村王老夜燒錢草鞋踏地帽指天家無

白澤招禍福窮時相炒餓相煎 地藏恩云東村王老

夜燒錢眼中塵霧口中煙招神引鬼成妖怪三脚蝦蟆  
飛上天 上方益二東村王老夜燒錢野鬼鬧神滿目  
前休更逢人覓玄旨謝家人不在漁船 無爲子云三  
乘教外別流傳瞎漢多知喚作禪天下衲僧參不到京  
村王老夜燒錢

首山念禪師僧問如何是祖師西來意師云風吹日炙  
汾陽昭頌云日炙風吹不計年行人塵路辨應難擬心  
早已深三尺更教誰問箇中玄 法華舉云風吹日炙  
少人知頂仰先賢對此機饒君曠劫生前會穿耳胡僧  
也皺眉 翠巖真云日炙風吹問祖來紅塵亘野眼難  
擡忙忙役役知多少二月春深動地雷 三祖宗云日  
炙風吹也大奇根鏘足馬將家兒皇圖自古元無事撥

動煙塵更是誰 雲溪恭云日炙風吹當路頭衲僧見  
後莫遲留我今到此堪惆悵葉落花紅經幾秋

汾陽昭禪師僧問如何是祖師西來意師云青絹扇子足  
風涼

白雲端頌云青絹扇子足風涼親得搖來始息狂只愛  
團團無縫者人前空自眼如羊 正覺述云叢林傑出

鎮汾陽譽是名馳振八方人問西來祖師意解云扇子

足風涼 上方益云汾陽青扇價難酬爲有涼風卒未  
休不見鹽官多少衆競頭爭角覓犀牛 慈受深云青

絹扇子足風涼日用何曾有覆藏堪笑塵中無限客手  
遮西日汗如湯 楚安方云親得搖來始息狂風動荷

花滿座香自從一得真歸趣無意涼人人自涼

浮山遠禪師僧問如何是祖師西來意師云平地起骨堆  
海印信頌云平地起骨堆三春震地雷只聞千萬去不  
見一人回 地藏恩云平地起骨堆金毛獅子吼誰知  
無味談寒斷衆人口 投子青云嫩草疏斜徑山泉帶  
碧流文會要渭水烈士耻莊周 天寧璉云六杓不分  
時混然成一片明暗不曾彰已過新羅箭  
大寧寬禪師僧問教中道始知衆生本來成佛爲甚麼却  
有煩惱菩提師云甘草甜黃連苦云却成兩箇去也師云  
你不妨會得好

南臺勤禪師僧問如何是祖師西來意師云一寸龜毛重  
七斤

投子青頌云等閑不語未逢人語便傷直似太親不語

火中驚鳳息驚他石虎暗生瞋

鐘山章禪師僧問如何是祖師西來意師云不東不西

保寧夢頌云西來祖意不東西猿鳥春深抱樹啼多少  
行人空悵望青山孤聳白雲低

長平山禪師僧問如何是祖師意師云西天來唐土去

演教大師僧問如何是祖師意師云今日明日

風穴沼禪師僧問西祖傳來請師端的師云一犬吠虛千  
綠嗟實又僧問如何是西來意師云尋山水盡山無盡又

僧問如何是西來意師云骨肉縱分離冤家難解洗

道場訥禪師僧問如何是教意師云汝自看僧禮拜師云

明月鋪霄漢山川勢自分

谷山藏禪師僧問祖意教意是一是二師云青天白日夜

半濃霜

崇恩禪師僧問祖意教意是一是二師云少林雖有月意

嶺不穿雲

黃山輪禪師僧問如何是祖師意師云梁殿不施功絕邦

絕心迹

香城禪師僧問牛頭還得四祖意不師云沙書不點落千

字云下點後如何師云別將一撮俵人天云恁麼即人人

有也師云汝又作麼生

福清魏禪師僧問如何是西來的的意師云立雪未為勞

斷臂方為的云恁麼即一花開五葉芬芳直至今師云因

圓三界外果滿十方知

保明誠禪師僧問如何是和尚西來意師云我不曾到西

識隻履自空回

南禪寧禪師僧問如何是頓教師云月落寒潭云如何是

漸教師云雲生碧漢云不漸不頓時如何師云八十老婆

不言嫁

湛堂準禪師僧問教意即且置未審如何是祖意師云煙

村三月裏別是一家春

洞山言禪師僧問如何是祖師西來意師云真箇不傳金

云莫便是和尚為人處也無師云幾處松聲似雨聲云等

奈一言已出師云猶欠註脚在

雲峯遠禪師僧問如何是祖師西來意師云森然著額頭盛

著鼻云意旨如何師云驢馱馬載云向上還有事也無師

云到西天暮歸唐土僧云謝和尚答話師云大乘牙郎

當

竹庵瑤禪師僧問如何是祖師西來意師云東家煮豉西家暗坐云未審意旨如何師云馬便搭鞍驢便推磨僧禮拜師云靈利衲僧只消一箇

道場辯禪師僧問如何是祖師西來意師云毒蛇無角豈威棒云便恁麼會時如何師云梁山務長云只如教意又作麼生師云長江滾不休

天童清禪師僧問如何是祖師西來意師云眼裏不著沙云如何領會師云耳裏不著水云恁麼則禮拜之師云東家點燈西家暗坐

桃園朗禪師僧問如何是祖師西來意師云西來若有意新下老僧頭云為甚却如此師云不見道為法受驅

○信問如何是西來意

石頭遷禪師云問取露柱云學人不會師云我更不會

馬祖一禪師云即今是甚麼意又僧問師便打云我老不打汝諸方笑我也 鶴林素禪師云會即不會疑即不疑又云不會不疑底不疑不會底 靈瑞禪師云十

萬八千里 靈雲動禪師云井底種林檎二學人不會師云今年挑李貴一顆直千金 紹宗禪師云好事不出門惡事行千里 報慈嶼禪師云昨夜三更送過江

天柱慧禪師云白猿抱子來青嶂螭蟠蒼花綠蔭間

白水禪師云四溟無窟宅一滴潤乾坤 白馬儒禪師

云黑額猢猻探月波 僊宗瑤禪師云熊耳不肖藏又云白日無閑人 南臺禪師云靴頭線紋 布水巖

禪師云一回思著一傷心 龍光禪師云胡風一扇漢

地成機 瑞峰端禪師云木馬走似煙石人愁不及

石門遠禪師云布袋盛烏龜 靈竹珍禪師云錢帶胡

中土旆添漢地泉 葉縣省禪師云齋後一椀茶

○僧問如何是祖師西來意

徑山欽禪師云汝問不當云如何得當師云待吾滅後即

向汝道 趙州諗禪師云東壁上掛胡蘆多少時也又

僧問師乃敲床脚僧云只這真便是也無師言是即脫取

去 欽山邃禪師云梁公曲尺共公剪刀 魏府大

覺禪師云十字街頭望空啓告 保善活禪師云面黑

眼睛白 北院通禪師云壁上掛枯松峰來與採藥

葉縣省禪師云冬無積雪夏有餘糧 伏龍禪師云竺

國不傳無字印支那謾說過流沙 石門藍禪師云好

大哥王印不離天子手金箱豈可廢人知 護國澄禪

師云一人傳虛萬人傳實 長水仁禪師云仰面獨揚

眉回頭自拍手 首山志禪師云三尺杖子破瓦盤

德山晏禪師云挑源水繞白雲亭 羅漢仁禪師云喚

甚麼作祖師西來意云恁麼則無西來意也師云由你口

頭道 歸宗暹禪師云洛陽城古云學人不會師云少

室山高 承天宗禪師云白雲抱幽石云乞師再並方

便師云千里未是遠 永福朗禪師云瀟湘岸上雪蹄

蹤 涿水禪師云還見庭前花藥欄 僧無對 大

安幹禪師云羊頭車子推明月 中梁古禪師云道士

擔滌危 保安連禪師云死虎足人看 草庵義禪

師云爛炒浮漚飽蒲喫 龍亢山禪師云騎虎唱已歌

石明徹禪師云少林澄九鼎動浪百華新 廣德延

禪師云魚躍無源水鶯啼萬古松 青峯先禪師云轉

池無一滴四海自滔滔 報恩明禪師云十萬八千具

跋涉直下西來不到東 九峰詮禪師云有力者負之

而趨 大陽玄禪師云解問不當學人不會時如何

師云陝府鐵牛人皆嚮下和得玉至今傳 定州崔禪

師云定州磬語似鐘鳴二學人不會意旨如何師云口口

分明勿唱科 鎮州萬壽禪師云枯河竟魚蹤斬新過

來處 山房宿禪師云庭前看綠竹云畢竟如何兩林

松相背 分陽昭禪師云多年松樹饒鼓鼓心間自有

一條明又答云徹骨徹髓云此意如何師云編云編地

石明隱禪師云六里山上望船舟云意旨如何師云市船

言前人不識 廣慧璉禪師云竹竿頭上帶紅旗

黃蘗諡禪師云紅輪光萬戶渌水繞青山 大愚之禪

師云白日燒地眼夜明炙地卧 慈明圓禪師云臥地

三蛇九鼠又云三日風五日雨 普昭禪師云猿猴捕

山果野鹿下田中又云朝見八關關石室暮看金鳥送枕

頭 佛陀遠禪師云眼中不著塵 日華禪師云梁

王不識云木審如何師云隻履西歸 德山柔禪師云

穿雲渡水涉歷江山 乾明普禪師云鳥道迷來迹

黑水瑯禪師云廓然理蕩周沙界濁霧潛融佛日輝云如

何作用師云大地藏不得今日出身來 天睦滿禪師

云三年逢一闕云合談何事師云九月是重陽 鄧林

志禪師云庭前夜發映天紅 崇勝禪師云眼不見

鼻二便恁麼領會時如何師云鼻孔裏呻羹 高陽廣

禪師云九年面壁人難判一句澄流事莫窺 一石霜談

外千竿竹佛前一炷香 德山先禪師云門

來往魏國終歸隻履西 梁山巖禪師云新羅附子蜀

地當歸 青峯誠禪師云石牛欄古路木馬驟高樓

谷隱崇禪師云番人皮裘劫人著云不會此理如何師云

聾人側耳啞人歌 法華珍禪師云風吹蚱竹連宵響

月照湖湘萬里途 景德言法華云青山影競潑嵐起

寶塔高吟撼曉風 雲蓋鵬禪師云湯餅火裏煨

雲蓋顯禪師云古寺碑難讀云未審意旨如何師云讀者

盡攢眉 上方岳禪師云少林空夜月云未審意旨如

何師云誰聽老猿啼 寶應昭禪師云少林巖畔千峰

秀云如何委悉師云汝海東流耀古今 大乘果禪師

云天晴日出云意旨如何師云雨下雲生 杖錫三禪

師云船船過海赤脚回鄉 雙林三禪師云青松對

起悲風 谷隱珠禪師云日出東方光臨西戶 妙

智雲禪師云東籬蓄菊云意旨如何師云九月重陽

天衣懷禪師云泛杯千頃浪登嶺萬重山 稱心保禪

師云行人念路云學人不會師云緊峭草鞋 朝明與

禪師云清風生碧落云意旨如何師云明月照長江

翠巖直禪師云深耕淺種 揚岐會禪師云人心隔肚

銜口向天 道吾真禪師云夜行人更多云未審意旨



如何師云天曉路旁邊 密印乾禪師云水從山上出

云意旨如何師云溪澗豈能留 廣法源禪師云執頭

瓦片 淨因臻禪師云拄杖橫擔不到肩云謝師答語

師云錯認定盤星 興化岳禪師云河裏木頭船

西禪圖禪師云枯木巖前云意旨如何師云抽條石

觀音啓禪師云松長栢短云意旨如何師云葉落歸根

乾符旺禪師云入市烏龜云意旨如何師云得縮頭時且

縮頭 善藥勝禪師云高臺無古鏡蓬裏有真珠

報本元禪師云天輪左轉地軸右旋 四祖演禪師云

饑真飽喜 玄沙文禪師云五里三歇云意旨如何師

云欲雪天霜 雲居祐禪師云胡天雪壓三寒臘

高臺明禪師云杖林山下水多愛輾底流云學人不會師

云九月是重陽 保靈勇禪師云雪上加霜 石門

雅禪師云熊耳塔開空寂寂唯留隻履曾輕安 承天

星禪師云石廩峰高云意旨如何師云持人罕到 金

山寧禪師云秤尾無星云未審此意如何師云斗方有底

南明通禪師云登山千里月渡水一帆風云未審意旨

如何師云言前有路向下無私 定慧式禪師云萬水

千山云便恁麼去時如何師云千山萬水云專為流通師

云南北行人口似碑 寶華顯禪師云霜風落林葉云

霜風落林葉意旨如何師云逢春又却生 廣福厚禪

師云春來花自發云意旨如何師云秋至葉先凋 褒

禪溥禪師云牡丹須是三春折云學人未曉師云黃菊還

他九日開云恁麼則便是和尚為人處也師云錯 開

元祐禪師云扁舟衝雪浪云未審意旨如何師云一筆渡

金陵 開先瑛禪師云君山點破洞庭心云意旨如何

師云白浪四邊繞紅塵何處來 雲蓋本禪師云琉璃

餅子僧擬讓師便喝又僧問師云一隊衲僧來一隊衲僧

去 保福殊禪師云一徑杉松滿面風云如何曉了師

云白楊青草兩蒙茸 景福餘禪師云九年面壁無人

會隻履西歸天下聞云學人未曉師云要會普通年遠事

不從葱嶺帶將來 月頂倫禪師云涼風却退簷前暑

狼山惠禪師云海雲生嶽頂云學人不會師云揚子水

朝東 雲門信禪師云千年古墓蛇今日頭生角云莫

便是和尚家風也無師云卜度則喪身失命 越峰珪

禪師云瘦田損種云未審如何領解師云刈禾鎌子曲如

鈎 仰山和禪師云君子不發遊言 翠巖元禪師

云見錢賣實不售賒云向上更有事也無師云好不信人

直 慈雲謚禪師云紅輪輝萬戶綠水遶青山 廣

因要禪師云長安東洛陽西 景德攻禪師云木耳樹

頭生 蔣山泉禪師云髮長僧貌醜云未審意旨如何

師云悶戶怕天寒 泐潭祥禪師云十箇指頭八箇

吉祥宣禪師云久旱無甘雨田中稻穗枯云意旨如何

師云今年米價貴容易莫嫌麤 佛鑑勳禪師云契旨

知酸喫鹽知鹹 五祖自禪師云荆棘林中舞柘枝

雲頂禪師云孤舟載明月云意旨如何師云來往照臨淨

○僧問祖意教意是同是別

趙州誌禪師作拳安頭上僧云和尚猶有這箇在師卸下

帽子云你道老僧有箇甚麼 雲峰存禪師云管登衣  
地室內不聞 夾山會禪師云風吹荷葉滿池青十里  
行人較一程 國清奉禪師云兩滋三草秀春風不裏  
頭云畢竟是一是二師云祥雲競起巖洞不虧 鷲嶺  
山本禪師云鷲嶺峰上青草木林天鹿野苑中孤兔交橫  
百丈超禪師云金鷄玉兔聽繞須彌 南院顯禪師云  
黃尚書李僕射云不會師云牛頭南馬頭也 法華舉  
禪師云赤水求珠孫贖打瓦 同安威禪師云三兔不  
曾知曉意金烏那肯夜頭明 傳法禪師云蓋開金線  
秀古洞白雲深 善權徹禪師云冬寒夏熱二冬寒夏  
熱此理如何師云炎天豈散袒冬後更深癡 鷲嶺部  
禪師云日出東方夜落西 西禪光禪師云拾得寒山

子相招上心橋 建福同禪師云崇山峻嶺云德應即  
不同師云愛澤波清 林溪徹禪師云二由一有一亦  
莫守 南明慎禪師云水天影交碧云里竟是同是別  
師云松竹聲相寒 廣法源禪師云乾薑附子云與麼  
則不同也師云冰片雪團 興陽珊禪師云百人竿頭  
開口笑云風高月冷乾坤靜直下無私暢殺人師云詩話  
滿路僧禮拜師便打 五祖演禪師云人貧智短馬瘦  
毛長 福昌善禪師云巢知風穴知雨 承天宗禪  
師云胡馬嘶北風越鳥巢南枝 雲頂鵬禪師云送磨  
逢梁武摩騰遇漢明 香巖敷禪師云鳳閣摩空六河  
瀉碧 南臺恭禪師云阿難合掌迦葉擎拳 越峯  
珪禪師云驢著槽馬著廠云爭奈學人未會何師云蘆花

宰地白絲鞭

李渤問歸宗西來意親傳

臨濟問趙州西來意親傳

華嚴問現子西來意親傳

借問庵主西來意親傳

歷村僧問祖意親傳

禪月問楊岐祖意親傳

香嚴上樹西來意親傳

性空借問西來意親傳

雲居因法燈舉問祖意親傳

問法

世尊因有異學問諸法是常耶世尊不對又問諸法是無常耶世尊亦不對異學云世尊具一切智何不對我世尊云汝之所問皆為戲論

舍利弗問須菩提夢中說六波羅蜜與覺時是同是別須

菩提云此義幽深吾不能說此會中有彌勒大士汝往彼

問舍利弗遂回首問彌勒彌勒云誰名彌勒誰是彌勒者

雲寶顯云當時若不放過隨後與一剎誰名彌勒誰是

彌勒者便見冰消瓦解 雲峰於於是同是別處遂寫

云當時若下這一喝便見落二落四又於汝往彼問處

云果然復於末後云甚麼處去也

天親菩薩從彌勒內宮下無著菩薩問經云人間四百年

彼天爲一晝夜彌勒於一時中成就五百億天子證無生  
法忍未審說甚麼法天親云祇說這箇法祇是梵音清雅  
令人樂聞

天衣懷云彌勒已是錯說天親已是錯傳山僧今日將  
錯就錯與你諸人註破良久云諦聽諦聽向下文長付  
在來日

利益菩薩自然燈佛我欲得阿耨菩提唯願世尊教示我  
令速成菩提佛言利益汝觀此法何者是法是汝所問  
南陽志國師問僧近離甚麼處云南方師云南方知識以  
何法示人云南方知識祇道一朝風火散後如蛇退皮如  
龍換骨本爾真性死然無壞師云苦哉苦哉南方知識說  
法半生半滅云南方知識即如是未審知當此間說何法

師云我此間身心一如身外無餘云和尚何得將泡幻之  
身同於法體師云你爲甚麼入於邪道云甚麼處是某甲  
入於邪道處師云不見教中道若以色見我以音聲求我  
是人行邪道不能見如來

靈鷲經云身心一如身外無餘山河大地何處有耶  
神鼎誣云若據這僧與麼道傳語也未解真與否南方  
知識據國師與麼道亦是龍頭蛇尾前來身心一如向  
甚麼處去也試檢點看

南陽僧問如何是佛法大意師云文殊堂裏萬善莊僧云  
不會師云大悲千手眼

佛鑑勸云時午蔬菜賤滿地蘿蔔頭一文買一箇得者  
飽齣齣

南陽問僧甚麼處來云江西馬大師處來師云大師說何法云常說即心是佛或云非心非佛師便喝出復召云更說何法云不是心不是佛不是物師云却較此子

黃龍新云大小國師語默裏轉却當時若見道不是心不是佛不是物更與喝出豈不光前絕後 松源岳云諸大老也甚奇恠打鑼敲枷平高就下說也說得到行也行得到只是未有出身之路喝一喝

清原思禪師僧問如何是佛法大意師云廬陵米作麼價汾陽昭頌云出家學道未心開請問宗師大意來却問廬陵米幾價當時心境一齊灰 黃龍南云廬陵米價逐年新道聽虛傳未必真大意不須岐路問高低宜見本來人 法昌遇云烏龜三眼赤祥麟一角尖騰雲生

暮雨溪月夜明簾 高庵悟云老清原沒縫罅問佛法酬米價衲僧一粒若沾唇拄杖橫擔繞天下 天童覺云太平治業無象野老家風至淳只管村歌社舞那知舜德堯仁

菴葉運禪師嘗問百丈從上古人以何法示於人百丈據坐師云後代兒孫將何傳授文云我將謂你是箇人便歸方丈

雲峰悅云百丈老人大似憐兒不覺醜雖然如是盡法無民 保寧秀代黃蘗云大衆向後莫辜負老和尚好

無著禪師因往玉臺禮文殊文殊問近離甚處師云南方殊云南方佛法如何住持師云末法比丘少奉戒律殊云多少衆師云或三百或五百師却問此間佛法如何住持

童子名均提送出山首

殊云龍蛇混雜九聖同居師云多少衆殊云前三後三  
三師退乃問童子適來大聖道前三三後三三是多少童  
子云大德師應語子云是多是少

汾陽昭代云識得你 翠巖芝云文殊道前三三後三  
三作慶生會要會麼千年無影樹今時沒底靴 徑山  
杲二徑山當時若見即向他道和尚如此任請極是不  
易

雪竇真淨云平聲盤屈色如藍誰謂文殊具對談堪笑  
清涼多少衆前三三與後三三 正覺遠云前後三三  
問若十 佛印元云堪笑前三三與後三三當時相對語喃  
南却因無着分明見從此清涼沒可參 照覺總云聖

者由來不可陪相逢相問豈安排三三前後輝今古一

句無松振九垓 雲溪共云文殊前後各三三獨泛輕

舟過海南洪浪波心看水勢一輪明月印寒潭 地藏

恩云前三三與後三三筭數籌量未諳芳草凄凄煙

景裏鷓鴣啼處是江南

投子大同禪師僧問萬法從一法生未審一法又從何生

師云回首看

西禪需云恁麼說話大似按牛頭喫草 松源岳云從

門入者不是家珍拶倒燈籠露柱噴

臨濟玄禪師因定上座問如何是佛法大意師下禪床擡

住打一掌便托開定佇立傍僧云定上座何不禮拜定纔

作禮忽然大悟

雪竇顯頌云斷際全機繼後蹤持來何必在從容巨靈  
擡手無多子分破華山千萬重 南華島云一棒一條  
痕一摑一掌血若無般若靈根到此如何打發 佛鑑  
勲云掣電之機過趙州為人須到結窮頭掌中擎出香  
山子直上高高十二樓 天童覺云不墮前後獨超古  
今喚回千歲夢飛出九臯禽直下一槌光迸散斬新彈  
子出爐金

雲巖晟禪師自百丈至藥山山問海兄更說甚麼法師云  
有時道三句外省取六句外省去山云且喜沒交涉又問  
更說甚麼法師云有時上堂衆纔集拈拄杖打下復召大  
衆衆回首乃云是甚麼山云何不早恁麼道師於言下大  
悟

徑山杲云悟去即不無爭奈未出葛藤窠

趙州諗禪師僧問萬法歸一一歸何處師云我在青州作  
一領布衫重七斤

圓悟勤云摩醯三眼一句洞明似海朝宗千途合轍雖  
然如是更有一著在忽有人問蔣山萬法歸一一歸何  
處只向他道饑來喫飯困來眠 佛眼遠云大衆至音  
絕韻妙曲非聲通身不掛寸絲赤體全無忌諱諸人切  
莫拈鉢詆指直須截斷舌頭放下身心自然快活眼若  
不睡諸夢自除心若不異復名何物快活快活歸堂喫  
茶

雪竇顯頌云編辟曾挨老古錐七斤衫重幾人知而今  
拋向西湖裏下載清風付與誰 白雲端云七斤衫重



豈難提日出東方定落西一擊珊瑚枝粉碎轟轟雷雨  
滿山溪 保靈勇云獨坐獨行直竭斗無規無矩老禪  
和四方八面難拘檢天下誰能奈你何 文殊道云趙  
老布衫重七斤問處分明答處親大地山河都蓋却誰  
是當機裁剪刀 普融平云七斤衫重絕纖埃妙手何  
人解剪裁堪笑東村王大姐滿身風雨入門來  
趙州僧問如何是佛法大意師云猫兒是一伯五十文買  
云不問猫兒如何是佛法大意師云這托子是六王送來  
云謝師答話師云作家作家僧拂袖便行師云作家師僧  
天然猶在

圓悟勤云趙州度量深明神機隱密有權有實有卷有  
舒這僧陷在重圍泊嶮收身不轉不見道施罵饒你接

蒲相唾鏡你潑水 塗毒策云水本無聲觸石則響言不  
元無火因鑽則炎趙州蓋為拔楔抽釘遂有拋鉤擲釣  
諸人今日要識趙州麼大路不行荒草走被人喚作販  
私商

趙州僧問不指一法如何是和尚法師云老僧不說茅山  
法云既不說茅山法如何是和尚法師云向你道不說茅  
山法云莫這箇便是也無師云老僧未曾將這箇示人又  
僧問法無別法如何是法師云外空內空內外空  
趙州僧問方外忽有人問和尚說甚麼法如何祇對師云  
鹽貴米賤

西禪靈頌云鹽貴米賤諸事成現擬欲商量腦後拔箭  
趙州問僧甚麼處來云南方來師云佛法盡在南方汝來

這裏作甚麼云佛法豈有南北耶師云饒汝從雪峰雲居  
來只是箇檐板漢

崇壽綱別云和尚是據客置主人

靈岳膺禪師僧問如何是一法師云如何是萬法云未審  
如何領會師云一法是你本心萬法是你本性且道心與  
性是一是二僧作禮師示以頌云一法諸法宗萬法一法  
通惟心惟汝性不說異兼同

圓悟勤云又聞雲居弘覺是洞山嫡子將謂全用衲僧  
巴鼻元來有時也只拖泥涉水若據將山見處喚甚麼  
作心性一二土上加泥又一重

夾山會禪師僧問如何是目前無法師云夜月流輝澄潭  
無影僧作掀禪床勢師云上座又作麼生云目前無法了

不可得師云大眾看這一負戰將

洞山虔禪師因洞山問近離甚麼師云武陵山云武陵法  
道何似此問師云胡地冬抽笋山云別說吹香飯供養此  
人師便出山云此子已後千人萬人把不住

鼓山永云怎麼祇對滴水難消因甚別說吹香飯 未  
山方云百發百中虔禪師有醫藥之機驗之底眼目須  
是洞山老漢然雖如是三十年後此語大行

白水仁禪師僧問文殊與普賢萬法悉同源文殊普賢即  
不問如何是同源底法師云却須問取文殊普賢云如何  
是文殊普賢師云一釣便上

佛鑑勸於同取文殊普賢處云如蟲集木文於一釣便  
上處云偶爾成文復云大九批判古今褒貶邪正須是

具金剛眼睛始得何故龍蛇易辨柵子難誦且道適來  
句中那箇句是褒那箇句是貶諸人各自歸堂向脚跟  
下檢點看 塗毒策云鑽真珠解玉板則易看孔籠下  
楔則難月色和雲白松聲帶雨寒這僧坐却合元惡舉  
頭更問長安累他本仁老子拖泥帶水還會麼普天皇  
道無遮障舞蝶流鶯繞樹枝

北院通禪師問夾山目前無法意在目前不是目前法非  
耳目之所到豈不是和尚語山云是師便揪倒繩床叉手  
而立夾山起來打一棒師便下去

法眼云是伊揪倒繩床了何不下去須待夾山起來打  
一棒了去意在甚麼處

雪竇存禪師僧問萬法歸一一歸何所師云三三反觀觀

壽

中梁古禪師僧問空劫無人誰問法即今有問法何處入師  
云大悲菩薩允裏坐

洛浦安禪師僧問如何是佛法大意師云三三覆孤峰終不  
白兩滴石笋笋須生

丹霞道遠云海底龍吟雲雨潤林中虎嘯谷風清度信  
滿路生荆棘况是貧家少送迎

雲門偃禪師問僧天下甚麼人會佛法云婆柱會佛法師  
喝一喝云這死蝦蟇

松源岳云這僧還道也無入水見長人

雲門僧問如何是一切法皆自是佛法師云二家所真老要  
盈衢溢路會麼云不會師云非但沒不合六有人不會在

又僧問如何是佛法大意師云日裏麒麟看此  
雲門云若問佛法兩字東西南北七縱八橫到西天暮  
歸唐土雖然如此向後不得錯舉

雲門在浙中蘊和尚會中與茶次蘊垂語云見聞覺知是  
法法離見聞覺知作麼生時有僧云見定如公目前一切  
見見聞覺知是法法亦不可得師遂拍案一下蓋舉頭師  
云猶欠一著在蘊云我到這裏却不會

性空禪師見僧來乃問與麼下去還有佛法道在也無云  
某甲結舌有分師云老僧又作麼生云素非好手師仰身  
合掌僧亦合掌師撫掌三下僧拂袖而出師乃有頌示之  
云鳥不前兔不後幾人於此忙然走只有闍梨達本源結  
舌何曾著空有

佛鑑勲云進不前退不後頭尾中間兩處走胡僧撫掌  
笑呵呵此土西天未曾有 大滙智云入林不動草入  
水不動波曾經達本源結舌更無過若是參方事須達  
末後句 塗毒策云風恬浪靜偏爾魚遊露冷雲深自  
然鶴唳這僧既達本源不著空有因甚麼却有許多閑  
骨董還知麼不因楊得意爭見馬相如

睦州蹤禪師僧問佛法大意請師提綱師云檢將來與你  
提綱云便請和尚道師云近東籬補西障

長慶稜禪師問靈雲如何是佛法大意雲云驢畜未了馬  
事到來

汾陽昭頌云靈雲因問出家才驢使前行馬使反長慶  
不明真實地句中認影影難開予今報你諸禪侶兀爾

吳日照香街 保寧勇云東行不見西行利南頭三  
 北頭賣橫千聖百筭河沙九九翻成八十二 佛靈  
 二驢事未了馬事來鐘聲未了鼓聲催春末縱步林  
 看無限桃花丈李開 無為子云驢事未了馬事亦一  
 花欲謝一花開安南已得煙塵息塞北將軍嗚凱  
 玄沙俗禪師問鏡清云我不見一法為大過惠汝道不見  
 甚麼法清指露柱云莫是不見這箇法麼師云浙中清水  
 白米從汝契佛法未夢見在

大為言云若不是鏡清幾乎忘前失後何故不送別者  
 終不講拳 雪竇顯云大小鏡清被玄沙點瑞我當時  
 若見但向道靈山授記也未到如此 保寧勇代鏡清  
 拍手呵呵大笑 禾山方云總謂玄沙靈機在掌教奪

可說若作如是見解參學眼在甚麼處殊不知靈清是  
 箇白拈賊然雖與麼爭奈明眼人難瞞 云童習云鏡  
 清當時恁麼答玄沙末後恁麼道還相契也無然則鏡  
 清久不作佛法夢也須是玄沙同參始得 雁屋三云  
 鏡清放頭佛祖也不奈何若非玄沙深辨來風幾被露  
 柱三却有人辨得出妙嚴兩手分付

玄沙一日云深山巖崖千年無人跡不到處還有佛法  
 也無若道有喚甚麼作佛法若道無佛法却有不到處  
 同安察禪師因座主問三乘十二分教某甲粗知未審知  
 尚說何法示人師云我說一乘法云如何是一乘法師云  
 幾般雲色出峰頂一樣泉聲落檻前云某甲不問此事如  
 何是一乘法師云聞梨英賢老僧蒙昧對眾說道看云某

甲何答師云只見錐頭利不見鑿頭方

圓悟勸云這僧這同安直得轉身無路及乎同安倒展  
旌鎗這這僧直得無路轉身諸人若未委悉只見錐頭  
利若也委悉得去不見鑿頭方

同安問僧近離甚麼處云江西師云江西法道與此間何  
別云類遇問著某甲若問別人即搗生也師云老僧這來  
造次云某甲不見嬰兒徒啼黃葉師云傷寒知龜殺治由  
我

圓悟勸云宗師家握佛祖鉗鎚理富即行不啻朕跡這  
僧既上門上尸更說甚麼傷驚怒龜劈脊便棒何故重  
賞之下必有勇夫 佛燈珣云風吹不入水灑不著大  
小同安將錯就錯雖然親到江西未免無繩自縛慧日

打草驚蛇直得當頭一著卓拄杖下座

同安僧問萬法歸真真歸何所師云龍門無宿客龜鶴自  
成僊云作麼生是龍門無宿客底道理師云柯爛只因基  
少局亡羊那得失長途云父嚮和尚師云負笈攻文不勝  
交戰

圓悟勸云同安若無後語泊被這僧折倒還委悉麼老  
不登樓望焉知滄海寬

同安問僧近離甚麼處云太原師云太原近日法道如何云  
只見雲從足底出水流逐波生不知太原法道如何師云  
不是離太原云苦苦師云不觀海雲色微覺草堂雲云以  
金房鑿窟真愛假師便歸方丈僧拂袖便出師云掃地  
兒

鼎州文殊禪師僧問萬法歸一一歸何處師云黃河九曲  
投子青頰云問法窠因歸何處黃河透過碧波瀾須知  
雲外千峰上別有靈松帶露寒 西禪雲云豈家豈  
進無門賴有山翁指去原九曲黃河清徹底誰知  
一乾坤 木庵云九曲那容敗眼看操舟誰解別云  
文殊曾展回天手直得朝宗駕派乾  
南院照禪師僧問如何是佛法大意師便喝僧云老和尚  
莫添頭好師又喝僧便禮拜師云放過即不可便打又一  
僧問如何是佛法大意師便喝僧便禮拜師云今夜兩首  
俱是作家禪客豈寧應老稱提臨濟正法眼憑若受一喝  
下拈定三問取二禪客  
首山念禪師僧問如何是佛法大意師云楚王城畔汝水

東流其僧於此悟入

佛慧泉頌云楚王城畔水東流逐浪隨波早晚休唯  
謝亦生計在夜深明月上孤舟 三祖宗云楚國城邊  
水去東發船便被打頭風蘆花灣裏聽漁唱對斗煎茶  
銚不同 雲溪恭云楚王城畔水東流日夜波濤去不  
休巖下忽逢湘水客謂言依舊注悠悠 嵩山秀云楚  
三城畔水東流今古朝宗是到頭逐浪隨波如未息輪  
他漁父泛孤舟 普融平云千波萬波曾無盡云繫來  
帆若莫窮謝客睡惺孤月白閑吹一笛渡頭風

洞山初禪師僧問萬法歸一一歸何所師堅起兩指信云  
如何得歸一去師云學語之流又僧問如何是佛云大意  
師云三日風五日雨

卷之四  
卷之四  
卷之四

葉慈首禪師僧問萬法歸一歸何處師云光山山下云  
未審意旨如何師云千年中一遇又僧問如何是佛法大  
意師云米貴麥賤

承天高禪師僧問萬法還從一法生一法從甚處生師云  
湘州起箇管陶綿

寶應昭禪師僧問如何是法三法師云長三尺云用者如  
何師云關市看青天又僧問如何是佛法大意師云慈和  
夜月連天照二意旨如何師云火飛巖面紅塵起

歸宗權禪師僧問學人爲佛法來如何是佛法師云正閑  
空云便請商量師云周匝有餘

廬山護國禪師僧問萬法歸一未審一歸何處師云陽氣  
發來無硬地春晴嬰谷正芬芳

地藏琛禪師因僧從保福來師問彼中佛法如何僧云保  
福有時示衆云塞却你眼教你覩不見塞却你耳教你聽  
不聞坐却你意教你分別不得師云吾問你不塞你眼見  
箇甚麼不塞你耳聞箇甚麼不坐你意作麼生分別  
東禪齊云那僧聞了忽然醒去更不他遊上座如今還  
得麼若不會每日見箇甚麼

瑞峰端禪師僧問如何是迥絕入煙處佛法師云巖山峭  
峙碧芬芳云恁麼即一真之理華野不殊師云不是這箇  
道理又僧問如何是佛法大意師云竹筋一文一雙  
與教普禪師僧問盈龍宮溢海藏直證即不問如何是教  
外別傳法師云眼裏耳裏鼻裏口裏此便是不師云  
吳甚麼僧云出師亦



覺靈照禪師僧問如來以一音演說法未審和尚以何法  
示人師云白雲無定止出沒不虛中云無慮則善法堂前  
獅子吼也師云這後坊他別人問又僧問如何是佛法大  
意師云松高人恨小路家馬嫌遠

靈臺直禪師因慈明問如何是佛法大意師云無處生處  
上有月落波心明喚曰喝云頭白齒豁猶作這箇一箇如  
何脫離生死師不敢仰視淚交頤久之遂問如何是佛法  
大意明云無雲生嶺上有月落波心師於言下大悟

德山先禪師僧問萬法歸一一歸何處師云五鳳樓前呈  
百歲千株松下鳥歌聲又僧問如何是佛法大意師云空  
竹長空青山秀色云如何領會師答云龍吟霧起虎嘯風  
生

石上微禪師僧問萬法歸宗歸何所師云三真金  
全身真處空又僧問如何是佛法大意師云三門前  
見生見長

慈明圓禪師僧問如何是佛法大意師云洞庭湖波浪滔  
天

靈巖真頌云水出高原上風翻浪作銀絲雪  
靈巖書紳水庵一云洞庭湖水若為窮南此  
浩風雲為鳳翔翔非鸞雀野田深處謾尋蹤

光福智禪師僧問如何是無心法師云灌稻水車  
云如何是有心法師云機關木人笑未休  
松源岳云此禪口解把定不能放或問靈臺如何是  
無心法只向他道種田博飯如何是有心法

雲峯禪師僧問巖山巖崖還有佛法也無  
何是巖山巖崖佛法師云棚樑倒上樹

雲峯僧問萬法歸一歸何所師云黃河九院一之  
古今無間斷也師云可憐沙塞鴈鳴咽春切

海印信禪師問僧忠國師無情說法有  
僧云若方皆云六根互用師云無眼耳鼻舌身意  
互用僧擬議師劈脊便棒

開元琦禪師僧問須彌納芥子即不問微塵裏轉大法輪  
時如何師云一步進一步云恁麼則朝到西天暮歸唐土

師云作客不如歸家云久嚮道風請師相見師云雲月是同  
同溪山各異

東林顏禪師僧問如何是法師云黃絹幼婦外甥壘曰云

意旨如何師云絕妙好辭

歸宗詮禪師僧問九峰山中還有佛法也無師云有二  
何是九峰山中佛法師云石頭大底大小底小

福昌善禪師僧問如何是不遷底法師云死人不坐禪云  
學人不會意旨如何師云那伽常在定又僧問如何是佛

法大意師云東方甲乙木云恁麼則粉骨碎身也師云易  
開終始口難保養寒心

鳳凰山廣禪師僧問如何是和尚此問佛法師云東壁打  
西壁

百六恒禪師僧問承古有言於無異法中而說諸法如何  
是無異法師云鶴雁長鳧脰短云如何證會師云有恁

麼可證會

承天薩禪師僧問是法平等為甚麼有達不達師云穿靴  
登鞍騎牛入佛堂

定山素山主僧問如何是不生不滅法師云春到百花開  
秋來羣木落云怎麼則一年一度春也師云欠子細左入  
僧問如何是深山巖崖迥絕無人處佛法師云月明千嶽  
裏風動萬年枝云怎麼則處處菩提道明明功德亦師云  
熏天炙地

佛印元禪師僧問如何是諸佛說不到底法師云境三解  
尋腥處走蒼蠅偏向鼻邊飛云學人未曉請師云若師云  
九萬里鵬從海出一千年鶴遠天歸

天童奕禪師僧問如何是佛法大意師云一年三百六十  
日云便怎麼會時如何師云這這十萬不足遠云畢竟如

何師云飯來開口困展脚

王泉芳禪師僧問從上諸聖以何法示人師拈起拄杖僧  
云學人不會師云兩手分付僧擬議師便打又僧問如何  
是一乘法師云的當塵毛現

中峰源禪師僧問如何是本來法師云滿目青山云言無  
展畫進步者何師云禮繁即亂云紙這便是為甚別有師  
云南嶽石橋

竹園顯禪師僧問萬法歸一一歸何所師云水深不見底  
云如何溪石師云須是本行人

○僧問如何是佛法大意

石頭遷禪師云不待不知云向上更有轉身處也三師云  
長空不礙白雲飛 麻谷徹禪師默然僧又問一七露比

意如何霜云主人意奉帚累閣愁拖泥涉水 大梅常

禪師云薄衣薄絮竹針麻線 石室善禪師云春日鷄

鳴云學人不合師云中秋大吠 黑眼禪師云十年賣

炭漢不知種碑星 香嚴閑禪師云今年霜降三喬麥

總不收 國清奉禪師云釋迦是牛頭獄卒祖師是馬

面阿婆 清化付禪師云華表柱上木鶴飛 天福

禪師云黃河無滴水華嶽忽平治 曹山本寂禪師云

填溝塞壑 巖頭齋禪師云小魚吞大魚 寶峰黨

禪師云虛空駕鐵松嶽頂浪滔天 報恩岳禪師云昨

夜三更矢却火 鼓山晏國師云金烏一點萬里無雲

廣嚴澤禪師云幽潭泉清高峰月白 自王通禪師

云直待文殊過即向你道云文殊過也請師道師便打

合珠哲禪師云貧女抱子渡恩愛競隨流 廣德禪師

云始嗟黃葉落又見柳條青 後招慶禪師云擾擾忽

忽晨鷄暮鐘 雙峰欽禪師云日出方知天下朗無油

那點佛前燈 潭明禪師云百惑護勞神 青城乘

禪師云與義門前擊鼓云學人不合師云朝打三千暮

打八百 報恩真禪師云閃爍鳥飛急奔騰兔走頻

羅漢禪師云井中紅焰日裏浮漚云如何領會師云這百

扶桑日那邊 保壽祐禪師云近前來近前來僧道前

師云會麼云不會師云石火電光已經塵劫 魏府大

覺禪師云良馬不窺鞭側耳知人意 大無畏禪師云

否種來年麥熟不熟當年禾 白兆圓禪師云苦云如何

是道師云苦 南院顯禪師云無量大病源云請師醫

師云世醫拱手 石門聰禪師云出你口入你耳云冥

祇這便是也無師云分明聞分明聽 首山念禪師便

唱僧作禮師拈棒僧云和尚此間沒世界那師擲下棒云

明眼人難謾僧云草賊大敗 翠巖真禪師云五通賢

聖二學人不會師云舌全梵天 保寧身禪師云鏡湯

無冷處 子陵山瑜禪師云好事不如無 唐教志

禪師云你記來多少時云學人不會師云言猶在耳

廣濟通禪師云黑漆崑崙辜白象云和尚莫謾後學好師

云好心不得好報 泐潭澄禪師云文殊自文殊解脫

自解脫 彭法泗禪師云多少人摸索不著云忽然摸

著時如何師云甚作甚麼 雲蓋鵬禪師云舌頭無骨

雲蓋禪師云祥雲五色云學人不會師云頭上漫漫

六慧之禪師云推天磁地 永應音禪師云為地出

鐘鐵 西禪光禪師云十字路頭筆未柱云學人不會

乞師云若若師云君自行東我過西 桃園嶼禪師云水

流瀾下雲之堅頭 廣教榮禪師云斗山稜光讓水臺

子 壽慈義禪師云樓上打鼓水上打羅 羅漢宗

禪師云風吹綠竹韻雨滴薜紋斑 承天昭禪師云魚

行水瀾鳥飛毛落 太平端禪師云一人寒令云如何

領會師云四海晏清 海會通禪師云柿桶蓋被云

學人不曉師云行時頭頂戴坐則掛高閣 雙林已禪

師云人平不語水平不流 萬杉爽禪師云空端三戴

華山尖 武泉政禪師云衣成人水成田 亮亮寬

禪師云黑茶須是百沸湯云意旨如何師云或云或云

黃巖軒禪師云千日斫柴一夜燒

圓通秀禪師云

踏著一釘鐵硬似鐵僧無語師云此賺殺人

資聖禪師云

師云鑿牛生石印

開元潭禪師云春寒秋熱三意人

不會師云秋熱春寒

靈峰珣禪師云山深水涼云如

何趣向師云雪冷霜寒

報本元禪師云昨日立春今

日暖百花未綻柳先開云如何是教意師云百家乘絮猶

無定休把長條絆別人

玄沙文禪師云六峰藏夏雪

云乞師方便師云一洞起清風

雲是社禪師云一客

不煩兩主人云學人未曉師云老僧被汝勘破

三祖

宗禪師云臨河不買水云意旨如何師云恃孽作啞

甘露顯禪師云詞須搖頭哭須皺眉

正覺清禪師云

倉陳米飯淡黃蔬

等覺思禪師云燈籠掛露柱云學

人未會師云佛殿對三門云向上更有事也無師云大海

若知尺百川應倒流

佛窟英禪師云一輪纜出海萬

彙盡露恩云學人不會師云祇為分明極翻令所得遲

保福殊禪師云清溪三日一回虛云未審其中事若何師

云東頭買貴曲頭賣賤云還當也無師云看物酬價

寶林昌禪師云金橋搖撼云畢竟如何師云把纜放船

淨因覺禪師云有問不當頭箇中無說路云學人不會乞

師云指師云空寂那邊開得口石人也解皺雙眉

○僧問如何是佛法的大意

白雲福禪師云直云學人不會此意如何師云崖州路上

問知音

濟上座云龍騰滄海魚躍深潭云畢竟如何

體悉師云夜聞祭鬼敲朝聽上講歌

舍珠彬禪師云

古木未凋猶馮叫疑擊明月又晶輝

永安信極師云

湘源斑竹杖云不會師云技枝帶淚痕

廣教運禪師

云棒打石人開鐵眼云即此便是也師云有甚交涉

香巖敷禪師云山寒露骨水淺見沙

虎上隆禪師云

蛇頭生角

月氏三徒屬賓問法現歸

于頔問紫玉佛法現歸

白石易問鳥窠佛法現歸

臨濟問黃檗佛法現歸

靈頭因僧問佛法現歸

地藏問南方佛法現歸

百丈問南泉不說似人法現歸

禪林意氣卷第四

禪林意氣卷第四

110X  
7  
19